

- program rada i razvoja Javne ustanove u mandatnom periodu.

IV. Svi kandidati koji budu ispunjavali uslove bit će pozvani na intervju. Nakon obavljanog intervjua, Komisija će sačiniti listu uspješnih kandidata i istu dostaviti gradonačelniku na dalje postupanje.

Kandidat koji bude izabran dužan je prije imenovanja dostaviti sljedeće dokaze u roku od 7 (sedam) dana:

- ljekarsko uvjerenje o zdravstvenoj sposobnosti,
- uvjerenje da se protiv kandidata ne vodi krivični postupak, te da nije osuđen za krivična djela.

Nakon okončanog postupka i imenovanja kandidata, ostali kandidati bit će obaviješteni o rezultatima konkursa pismenim putem.

V. Direktora JU "Stanouprava" Bihać imenuje Upravni odbor Ustanove nakon davanja saglasnosti gradonačelnika za konačno imenovanje.

VI. Mandat izabranog kandidata traje 4 (četiri) godine.

VII. Prijave sa potrebnom dokumentacijom dostaviti lično i/ili putem pošte na adresu:

JU "Stanouprava" Bihać, Ulica 502 Viteške brigade bb Bihać, sa naznakom:

"Prijava na javni konkurs za izbor i imenovanje direktora
JU "Stanouprava" Bihać - NE OTVARATI".

Rok za podnošenje prijave je 15 dana od dana posljednjeg objavljivanja konkursa, a isti će biti objavljan u dnevnog listu "Avaz" i "Službenim novinama Federacije BiH".

Obavještavaju se kandidati da će im biti dostupne sve informacije u skladu sa zakonom.

Nepotpune i neblagovremene prijave se neće razmatrati.

Dokumentacija koju kandidati dostave uz prijavu na ovaj konkurs neće biti vraćena kandidatima koji ne budu izabrani.

(SI-1300/25-F)

SKUPŠTINA KANTONA SARAJEVO

Na osnovu čl. 8. i 9. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03 i 65/13), člana 25. stav 2. Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16, 26/19, 31/19 i 39/20), člana 4. Odluke o standardima i kriterijima za imenovanje na poziciju člana Nezavisnog odbora ("Službene novine Kantona Sarajevo", broj 31/17) i člana 37. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst, 15/13, 47/13 i 47/15, 48/16, 9/20, 14/20, 16/22, 17/22 - Ispravka i 47/24), Komisija za izbor i imenovanja i administrativna pitanja Skupštine Kantona Sarajevo objavljuje

JAVNI OGLAS

ZA IMENOVANJE ČLANOVA NEZAVISNOG ODBORA SKUPŠTINE KANTONA SARAJEVO

I. Naziv pozicije

Objavljuje se javni oglas za imenovanje 7 (sedam) članova Nezavisnog odbora Skupštine Kantona Sarajevo.

II. Opis upražnjene pozicije

Nezavisni odbor je nezavisno tijelo Skupštine Kantona koje provodi postupak izbora i smjene policijskog komesara, te vrši nadzor nad njegovim radom.

Nezavisni odbor radi isključivo na profesionalnim osnovama, ne zastupajući, ne štiteći niti podrivajući interese bilo koje političke stranke, registrovane organizacije ili udruženja ili bilo kojeg naroda u Bosni i Hercegovini.

Nezavisni odbor se sastoji od sedam članova. Članovi Nezavisnog odbora biraju se iz reda istaknutih stručnjaka iz oblasti pravnih, društvenih i kriminalističkih nauka te iz organizacija koje se bave zaštitom ljudskih prava ili drugih

srodnih oblasti, a koji nisu zaposleni u organima unutrašnjih poslova u Bosni i Hercegovini, odnosno drugim policijsko sigurnosnim agencijama u Bosni i Hercegovini. Najmanje jedan član Nezavisnog odbora mora biti diplomirani pravnik odnosno Bakalaureat/Bachelor prava sa ostvarenih 240 ECTS studijskih bodova. Sastav Nezavisnog odbora odražava nacionalni sastav stanovništva na teritoriji koju obuhvata Kanton prema popisu stanovništva iz 1991. godine. U toku izbornog postupka, vodiće se računa o polnoj zastupljenosti.

Nezavisni odbor obavlja sljedeće poslove iz svoje nadležnosti:

- raspisuje i provodi javni konkurs za imenovanje policijskog komesara;
- vrši selekciju i predlaže listu kandidata za izbor policijskog komesara Vladi Kantona koju dostavlja posredstvom ministra;
- prati rad policijskog komesara, nadzire primjenu ovlaštenja policijskog komesara u rukovođenju Upravom policije iz člana 23. Zakona o unutrašnjim poslovima Kantona Sarajevo i o tome izvještava Skupštinu Kantona;
- ako procijeni za potrebnim može izvršiti neposredni uvid u akte i predmete Uprave policije u skladu sa članom 47. Zakona o unutrašnjim poslovima Kantona Sarajevo;
- predlaže smjenu policijskog komesara Vladi Kantona u skladu sa ovim zakonom;
- vodi prvostepeni disciplinski postupak protiv policijskog komesara i izriče disciplinske sankcije;
- prima, razmatra i postupa po podnesenim žalbama na rad policijskog komesara;
- usvaja poslovnik o radu Nezavisnog odbora i izvještava Skupštinu Kantona o svom radu;
- obavlja i druge poslove koji su stavljeni u njegovu nadležnost Zakonom o unutrašnjim poslovima Kantona Sarajevo;
- po potrebi razmjenjuje informacije, podatke, dokumente po pojedinim predmetima sa Komisijom za sigurnost Skupštine Kantona Sarajevo.

III. Opći uslovi

Kandidat za imenovanje na poziciju člana Nezavisnog odbora dužan je ispunjavati sljedeće opće uslove:

- da je državljanin Bosne i Hercegovine;
- da je stariji od 18 godina;
- da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja ovog javnog oglasa;
- da se na kandidata ne odnosi odredba člana IX 1. Ustava Bosne i Hercegovine.

IV. Posebni uslovi

Pored općih uslova iz tačke III, kandidat mora ispunjavati i sljedeće posebne uslove:

- ima stečenu diplomu visokog obrazovanja ili druge obrazovne ili akademske kvalifikacije najmanje VII stepen stručne spreme, odnosno visoko obrazovanje prvog ciklusa Bolonjskog sistema studiranja sa 240 ECTS studijskih bodova ili drugog ili trećeg ciklusa Bolonjskog sistema studiranja, završen pravni fakultet ili fakultet za kriminalistiku, kriminologiju i sigurnosne studije, ili fakultet političkih nauka-odsek sigurnosnih studija, ili druge visokoobrazovne institucije pravne, kriminalističke, kriminološke i sigurnosne struke, najmanje pet godina radnog staža u struci u ovim oblastima nakon sticanja visoke školske spreme;
- nije član političke stranke;
- nije bio imenovan na bilo kojoj poziciji u političkoj stranci na bilo kojem nivou, niti je bio postavljen na bilo koju poziciju od strane političke stranke;

- d) nije bio član izvršnog ili zakonodavnog tijela na bilo kojem nivou vlasti u Bosni i Hercegovini;
- e) nije osuđivan za krivično djelo;
- f) protiv kojeg se ne vodi krivični postupak;
- g) kojem nije izrečena disciplinska sankcija za teže povrede službene dužnosti;
- h) koje nije aktivni policijski službenik;
- i) koje nije istovremeno član dva odbora organa unutrašnjih poslova ili drugih policijskih agencija na bilo kojem nivou u Bosni i Hercegovini.

V. Mandat i drugi uslovi

Nezavisni odbor se imenuje na mandatni period od četiri (4) godine.

Član Nezavisnog odbora ima pravo na mjesečnu nakadu za svoj rad čiju visinu utvrđuje nadležna komisija Skupštine Kantona Sarajevo.

Konkursnu proceduru izbora i imenovanja članova Nezavisnog odbora, provodi Komisija za provođenje javnog oglasa za imenovanje članova Nezavisnog odbora Skupštine Kantona Sarajevo.

Svi kandidati koji budu ispunjavali opće i posebne uslove javnog oglasa bit će pozvani na intervju. Prilikom pozivanja kandidata na intervju, svaki kandidat mora ispuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dode do njegovog imenovanja. Obrasci će se dostaviti kandidatima prije intervjua. Skupština Kantona Sarajevo osigurat će da se izvrše javne objave konačnog imenovanja na upražnjenu poziciju.

Bilo koji kandidat ili zainteresirana stranka, može podnijeti prigovor na konačno imenovanje ako postoje dokazi da u procesu imenovanja nisu ispoštovani principi i postupci utvrđeni zakonom.

Prigovor se podnosi Komisiji za izbor i imenovanja i administrativna pitanja Skupštine Kantona Sarajevo, a kopija se dostavlja Ombudsmenu za ljudska prava Bosne i Hercegovine.

VI. Potrebna dokumentacija

Kandidat je dužan uz prijavu na javni oglas, koja sadrži biografiju-CV, adresu i kontakt telefon, priložiti sljedeće dokumente:

- a) izvod iz matične knjige rođenih;
- b) uvjerenje o državljanstvu;
- c) diplomu ili uvjerenje o završenoj školskoj spremi;
- d) uvjerenje/potvrdu o radnom stažu u struci nakon sticanja visoke školske spreme;
- e) izjavu da nije član političke stranke;
- f) izjavu da nije bio imenovan na bilo kojoj poziciji u političkoj stranci na bilo kojem nivou, niti je bio postavljen na bilo koju poziciju od strane političke stranke;
- g) izjavu da nije bilo član izvršnog ili zakonodavnog tijela na bilo kojem nivou vlasti u Bosni i Hercegovini;
- h) izjavu - saglasnost (ovjerena od strane nadležnog organa) da Komisija po službenoj dužnosti pribavi uvjerenje da nije osuđivan za krivično djelo i uvjerenje da se protiv kandidata ne vodi krivični postupak, a izuzetno kandidati za koje nije moguće po službenoj dužnosti pribaviti navedena uvjerenja će biti posebno kontaktirani u cilju pribavljanja istih;
- i) izjavu da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja ovog javnog oglasa ili izjavu da nije radio u državnoj službi;
- j) izjavu da mu nije izrečena disciplinska sankcija za teže povrede službene dužnosti;
- k) izjavu da se na kandidata ne odnosi odredba člana IX 1. Ustava Bosne i Hercegovine;
- l) izjavu da nije aktivni policijski službenik;

- m) izjavu da nije istovremeno član dva odbora organa unutrašnjih poslova ili drugih policijskih agencija na bilo kojem nivou u Bosni i Hercegovini.

Uvjerenja iz tačke h) Komisija će pribaviti po službenoj dužnosti samo za izabranog kandidata i tek po okončanju javnog oglasa.

Dokumenti koji se prilažu moraju biti originalni ili ovjerene kopije. Sve izjave kandidati su dužni dostaviti ovjerene od nadležnih organa.

VII. Podnošenje prijave

Javni oglas će biti objavljen u "Službenim novinama Federacije BiH" i dnevnom listu "Oslobođenje", kao i na web stranici Skupštine Kantona Sarajevo. Rok za dostavljanje prijava je 15 (petnaest) dana od dana objavljivanja javnog oglasa u "Službenim novinama Federacije BiH".

Prijavu na javni oglas sa svim traženim dokumentima potrebno je dostaviti lično ili preporučenom poštom u zatvorenoj kovrti, na adresu:

Skupština Kantona Sarajevo
Komisija za provođenje javnog oglasa za imenovanje članova
Nezavisnog odbora Skupštine Kantona Sarajevo
ul. Reisa Džemaludina Čauševića broj 1, 71000 Sarajevo
sa naznakom:

"Prijava na javni oglas za imenovanje članova Nezavisnog
odbora Skupštine
Kantona Sarajevo - NE OTVARATI"

Nepotpune i neblagovremene prijave neće se uzeti u razmatranje.

(SI-1301/25-F)

MINISTARSTVO ZDRAVSTVA TUZLANSKOG KANTONA

Na osnovu člana 8. Zakona o ministarskim, vladinim i drugim imenovanjima u Federaciji Bosne i Hercegovine ("Službene novine Federacije BiH", br. 12/03, 34/03 i 65/13), člana 64. stav (5) Zakona o zdravstvenoj zaštiti ("Službene novine Federacije BiH", broj 46/10 i 75713), člana 6. stav (1) Odluke o uslovima, kriterijima i postupku imenovanja u Regulirane organe ("Službeni glasnik Grada Srebrenik broj 3/19, 1/20, 9/21 i 8/25) i Odluke Ministarstva zdravstva Tuzlanskog kantona o poništavanju Javnog oglasa, za izbor kandidata za popunjavanje upražnjene pozicije jednog člana Upravnog odbora kao predstavnika Ministarstva zdravstva Tuzlanskog kantona u JZU Dom zdravlja Srebrenik, broj 13/1-33-018162-2/25 od 09.07.2025. godine, Ministarstvo zdravstva poništava

JAVNI OGLAS

ZA IZBOR I IMENOVANJE JEDNOG ČLANA UPRAVNOG ODBORA JAVNE ZDRAVSTVENE USTANOVE DOM ZDRAVLJA SREBRENİK - PREDSTAVNIK MINISTARSTVA ZDRAVSTVA

Objavljen u "Službenim novinama Federacije BiH" broj 44/25 od 13.06.2025. godine i dnevnom listu "Večernji list BH" dana 16.06.2025. godine i raspisuje

PONOVNI JAVNI OGLAS

ZA IZBOR I IMENOVANJE JEDNOG ČLANA UPRAVNOG ODBORA JAVNE ZDRAVSTVENE USTANOVE DOM ZDRAVLJA SREBRENİK - PREDSTAVNIK MINISTARSTVA ZDRAVSTVA

Objavljuje se ponovni Javni oglas za izbor kandidata za popunjavanje upražnjene pozicije jednog člana Upravnog odbora - predstavnika Ministarstva zdravstva Tuzlanskog kantona u JZU Dom zdravlja Srebrenik.